


थुकि दुने



संघर्ष सफल यायुत सहि नेतृत्व आवश्यकता
डी. आर. खड्गी - २



“स: छगू फरक अभिव्यक्ति” खुक्क:गु
फेसबुक संस्करण
नर सागर श्रेष्ठ - ३



कलाकारतय इहिपाया चर्चा
बिजयरत्न असंबरे - ६



पत्रकार प्रशान्त मालीया 'खड्ग पाय: जात्रा'
सफू विमोचन व सम्मान ज्याइव:या थीथी लू
पेज ४-५

ओली सरकारपाखें स्थानीय जनताया स:यात बेवास्ता ख्वनाया फास्ट ट्र्याक अले बालाजुया सडक विस्तार

लहना संवाददाता

नेवा:तय च्वनेगु बाय् अथवा धाय् भूमिया खँ थौकन्हय् क्वानाच्वंगु विषय जुयाच्वंगु दु । बालाजुइ थ:गु भूमि लित माल धका: रिले अनसन न्ह्यानाच्वंगु दुसा खोनाय् फास्ट ट्र्याकया मुद्दा नं चर्चाय् दु । खतुं थ्व निगुलिं मुद्दा आ: तिनि दंगु वा न्हगु मुद्दा मखु । ददैं हे दय्धुकल थुगु मुद्दाय् स्थानीय वासिन्दा आन्दोलित जुया: थीथी चरणय् आन्दोलन न्ह्याकाव:गु । तर आ: परिस्थिती धा:सा भचा पा:गु दु । न्हापा जूसा थुगु मुद्दाय् स्थानीय नेवा: भर्सेज राज्य जुयाच्वंगु ख:सा आ: वया: स्थानीय नेवा: भर्सेज नेवा: मन्त्री जूगु दु । अभ् तप्यंक हे धाय्गु ख:सा नेवा: भर्सेज नेवा:या स्थिती आ: दनाच्वंगु दु । ख्वनाया फास्ट ट्र्याक धा अथवा बालाजु वा स्वनिग:या गनं नं थासय् या:गु वा याइगु सडक विस्तार, थुकिया सरोकारवाला मन्त्रालय धइगु शहरी विकास मन्त्रालय ख: । शहरी विकास मन्त्रालय दुने मन्त्री व राज्यमन्त्री निम्हं हे नेवा:त दु । शहरी विकास मन्त्री कथं कृष्णगोपाल श्रेष्ठ अले शहरी विकास राज्यमन्त्री रामवीर मानन्धर नेवा: समुदाय नेवा: गतिविधिले सतिनाच्वंगु प् व्याक्ति जूगु ल्याखं थुगु मुद्दाय् छुं सकारात्मक



प्रधानमन्त्री ओलीं हे ख्वनामिया स:यात साम्प्रदायिक धइगु अभिव्यक्ति बिया: छव: मिइ घ्य: लुइगु ज्या याय् थें जूगु दु । सरकार जनताया नितिं जुइमा; नकि जनताया शोषण याय् । स्थानीय जनताया स:यात बेवास्ता याना: याइगु ज्यां गबलें विकास जुइ फइमखु ।

पहल जुइगु या:सा नेवा:तयसं या:गु ख:सा व कथं पहल मज्गु महसूस जुइवं नेवा:त विरोध कुहांव:बलय् आ: नेवा: भर्सेज नेवा:या स्थिती खनेदयाव:गु ख: ।

दक्कले न्हापां बालाजुया खँ स्वय् । थन सडक विस्तारया नामय् ३९ खा छँथुनेधुकूगु दु । थुगु सडक विस्तारपाखें पिडितपिन्स बालाजुइ रिले अनसन न्ह्याकात:गु दु । थुगु खँय् शहरी

विकास राज्यमन्त्री रामवीर मानन्धरयात छगू गम्भीर द्वपं नं लानाव:गु दु । राज्यमन्त्री मानन्धर बालाजुइ अष्टनारायण सिनेमा हल न्ह्याकात:गु दु । उगु हलया बजा: थाकाय्गुलिसे पार्किड्या सुविधा बीत स्थानीय बासीया छँ थुनाब्यगु द्वपं मानन्धरयात लानाच्वंगु दु । उलि जक मखु, राज्यमन्त्री मानन्धर सर्वोच्च अदालतं रोक्का आदेश बियात:थाय् डोजर न्ह्याकेबिया: छँ थुगु नं त:न्हु मुदिनि ।

त्यं ७ पेजय्

येँ महानगरया स्थानीय पाठ्यक्रम तयार जुल

येँ महानगरपालिका थ: मातहतया सामुदायिक व संस्थागत ब्वनेकुथिइ स्थानीय विषयया पाठ्यसफू तयार याना: ब्वंकेज्या न्ह्याकूगु दु । महानगरपालिका कक्षा १ निसें कक्षा ८ तक अनिवार्य विषयया रूपं 'येँ देय् म्हासीके' नांया पाठ्य सफू नेपालभाषा तयार याना: ब्वंकेज्या न्ह्या:ने यंकूगु ख: । येँ महानगरपालिका शिक्षा विभागया अधिकृत मोती खनालया कथं येँ महानगरपालिका न्ह्याकात:गु मेट्रो एफ.एम. व थीथी माध्यम स्थानीय पाठ्यसफूया ब्वंकेज्या न्ह्या:गु ख: । आ: कोरोना भाईरस संक्रमणया जोखिम दुगु अवस्थाय् दक्वं ब्वनेकू बन्द जुयाच्वंगुलिं वैकल्पिक माध्यमपाखें ब्वंकेज्या जुयाच्वंगु दु । खनाल येँ महानगरपालिकाया थ: मातहत दुगु सामुदायिक व संस्थागत दक्वं ब्वनेकुथिइ १०० पूर्णाङ्कया स्थानीय विषय ब्वंकीगु जानकारी बियादिल । येँ महानगरपालिका दुने ९२ सामुदायिक ब्वनेकू मध्य ८६ साधारण ब्वनेकू, ३ विशेष व ३ ब्वनेकू बन्दीतय्गु नितिं दुगु व संस्थागत

येँ महानगरपालिका दुने ९२ सामुदायिक ब्वनेकू मध्य ८६ साधारण ब्वनेकू, ३ विशेष व ३ ब्वनेकू बन्दीतय्गु नितिं दुगु व संस्थागत

ब्वनेकूया ल्या: करीब ६स: व ४० दुगुलिइ थुगु दक्वं ब्वनेकुथिइ स्थानीय पाठ्यसफू ब्वंकीगु खनालया धापू ख: । नेवा: भाय् छ्यलाव:गु नेवा:तय आदिभुमि येँ महानगरया म्हासिका बीबलय् छ्यलीगु आपा:थे खँव:त नेवा: भाषाया हे जुइगु व थनया स्थानीय भाषां ब्वंकीगु जुया: नगरयात अभ् सतिक म्हासिके, थुइके फइगु जूगुलिं थुगु पाठ्यसफू नेपालभाषा तयार यानागु येँ महानगरपालिका न्ह्यथंगु दु ।

त्यं ७ पेजय्



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्दुर अनुसार मिठाईको व्यवस्था गरिन्छ ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works

सम्पादकीय

सरकार संक्रमण
नियन्त्रण याय्गुपाखे कि
फैले याय्गुपाखे

कोभिड १९ संक्रमण ला नेपा: जक मखु, मुक्कं हलिं हे आक्रान्त जुयाच्चंगु स्थिती दु। मेमेथाय् स्वयां नेपा: देय्था स्थिती धा:सा गम्भीर ताय्कामा:गु स्थिती दु। मेमेगु विकशित देशय् ला अर्थतन्त्र न बल्ला:, जनशक्ति, आवश्यक भौतिक पुर्वाधार, स्वास्थ्य उपकरण सकतां दु। तर थन नेपालय् न त अर्थतन्त्र बल्ला:, न त चिकित्सक, नर्स लगायतया दक्ष जनशक्ति गाक्क ल्याख्यु दु, न त अस्पताल हे गाक्क दु, न स्वास्थ्य उपकरण हे। स्वास्थ्य उपकरण वा आवश्यक स्वास्थ्य सामग्री दक्व हे धइथें पिने देशं हय्मा:। थज्या:गु अवस्थाय् संक्रमण नियन्त्रणपाखे नेपाल सरकार अतिकं गम्भीर जुइमा:गु ख:। थन संक्रमण फैले जुइका: वास: याय्त गुलित समस्या दु धइगु आ: कनाच्चनेमा:गु स्थिती मदय्धुकल। सक्रिय संक्रमित च्याङ्ग: भिद्व:ति थ्यंबलय् अस्पतालय् बेड खालि मन्त, एम्बुलेन्स स:तेबलय् इलय् मथ्यना: गुलि मनूत अकालय् मन्त। गुलिं विरामीयात उखें थुखें अस्पतालय् जक ब्वाकु ब्वाकुं गर्न हे भर्ना मका:से, उपचार याय् मखना: लैय् हे सित। थज्या:गु अवस्थाय् संक्रमणया नियन्त्रण व थ:गु कर्तव्य बिस्युं वनेत स्वइपिन्त कारवाहीया खँय् तर्क सरकार कडा रुपं प्रस्तुत जुइमा:गु ख:। तर थन सरकार थ: हे जिम्मेवारीं बिस्युं वनेत स्व:गु थें खने दयाच्चंगु दु। उपचार मयाइपिं स्वास्थ्यकर्मी, अस्पतालयात कारवाही याय्गु ला गन ख: गन, सरकारं हे बेहोस जूसा वा बेहोस जुइ थें च्वंसा जक अस्पताल हुं धाइगु। फ्यांफत्तले परिक्षण हे मयाइगु स्थिती दु। १८द्व: परिक्षणया क्षमता दय्केधुन धका: फुइं क्यनीगु सरकारं आ: वया: खुद्व:, न्हय्द्व: नमूना जक परिक्षण यानाच्चंगु दु। सरकारया नेतृत्व यानाच्चपीं ला पदया ल्वापुइ हे तक्ननाच्चंगु दु। देशय् संक्रमणया स्थिती गथे दु, स्वय् तर्क ला: ला मला:ला मस्यु। खोप वइबलय् न थ:थ: मनूतय् बीत न हानथाप जुइगु खँय् आपा:सिया शंका दु। सरकार थ:गु ज्याय् गम्भीर जुया: न्ह्या:वंसा लिपाया चुनावय् न बांला:गु हे लिच्च: पिकाय्फइला। मखुसा जनतां ला न्ह्याबले थ:गु हिसाब तया हे च्वं धइगु थीथी ईया राजनैतिक परिवर्तन क्यने हे धुकल।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिर्कापिं छ्वयादीगुयात थुगु वा:पतिइ थाय् बियाच्चना। पिदंगु च्वसुयात उचित पारिश्रमिक बीगु न सुचं बियाच्चना।

लहना वा:पौ

भोछें, यँ

lahana.news@gmail.com

संघर्ष सफल याय्त
सहि नेतृत्व आवश्यकता

छु धा:सा भच्चा लोभया कारणं याना: नेतृत्व फेल जूगु ख:। नेतृत्व फेलया अर्थ न जनतयात धोका बीपिं नक्कली नेता धका: प्रष्ट जुल। शायद स्वनिग:बासीया सवालय् न अथे हे ला मखुला धका: जनतां शंका याय्गु शुरु यात।



डि. आर. स्वइगी

विश्वया आपालं देशय् थीथी नामं राजनीति न्ह्यानाच्चंगु दु। अथे धयागु राजनीति याइपिं नेतातय्सं बाद (सिद्धान्त) या नामं धर्मया नामं अभूला जाति व भाषाया नामं राजनीति यानाच्चंगु देय्त दु। विश्वया आपालं देशय् बादया नामं राजनीति यानाच्चंगु दु। सिद्धान्तया नामं राजनीति जुयाच्चंगु देशय् जाति, धर्मय् आस्था दुपिं न याउँक समावेश याय्त सफल जुयाच्चंगु दु। थ्व हे कारणं याना: सिद्धान्तया राजनीति उत्तम धाइ, सिद्धान्तया नामं राजनीति जुयाच्चंगु देशत न अप्व: विकास जुयाच्चंगु खनेदु।

सिद्धान्तया राजनीति धाय्बलय् विशेष याना: निगू सिद्धान्त न्ह्य:ने खनेदु। छू कम्प्यूनिष्ट अथवा समाजवादया नामं ख:सा मेगु पुँजीवादी व्यवस्थाया राजनीतियात प्रजातान्त्रिक व्यवस्था न धाय्गु याइ। पुँजीवादी व्यवस्थाया लाइन ज्वना: यूरोप व अमेरिकां यक्व विकास यानाच्चंगु दुसा समाजवादी व्यवस्थाया लाइन ज्वना: चीन न विकास यानाच्चंगु दु। तर गुगुं देशय् सिद्धान्तयात ध्याकुनय् तया: धर्म, जाति व भाषाया नामं राजनीति याना: देश संचालन यानाच्चपीं नेतात मदुगु मखु। दसुया लागिं मुस्लिम देशय् जाति व धर्मया नामं राजनीति संचालन याना वयाच्चंगु खनेदु। दसुया लागिं ईरानय् धर्म व जातिया नामं राजनीति यानाच्चंगु दँ दय्धुकल। ईरानया नेतातय्सं देशयात न विकास याना: क्यनाच्चंगु दु। उत्तर अफ्रिकाया इजिप्ट, ट्यूनिशिया, अल्जेरिया देशय् न प्रजातान्त्रिक देय् धा:सा न अथवा सैनिक शासकया नामं शासन यानाच्चंसां न प्रत्यक्ष वा अप्रत्यक्ष रुपं मुस्लिम धर्मया प्रभाव राजतिइ अप्व: खनेदु। सिद्धान्तया नामं शासन संचालन यानाच्चंगु छू देश सोभियत संघ कुचा द:गु आपालं कारणत मध्य छू कारण जाति न ख:। युक्रेन, बेलायस, ताजिकिस्तान, उजबेकस्तान, तुर्किस्तान इत्यादि संघया राज्यया जातितय् मस्क्योया रसियन जातिपाखें पीडित जुयाच्चनेत वाध्य जुल। व इलय् सोभियत संघ कम्प्यूनिष्ट सिद्धान्त ज्वना: शासन यानाच्चंसां खालि रसियन जातितय्सं जक हालीमूहाली यानाच्चंगुलिं याना: गैर रूसी जाति निराश, आक्रोशित जुया: च्वनेमाल। जब सन् १९९० पाखे देशय् त:धंगु राजनीतिक संकट वल, तर जनता राज्य व्यवस्थायात साथ बीगु त्व:ता: भन अ:ख: कम्प्यूनिष्ट शासनया विरुद्ध जनतां सडकय् वया: विरोध यात। थ्व हे कारणं याना: सोभियत संघ कुचा द:गु ख:।

भीगु देशय् जब पृथ्वीनारायण शाहं एकिकरणया नामं खुनी हमला याना: स्वनिग:यात कब्जा याना: शासन यात,

स्वनिग:बासीतय् शोषण याय्गु हिसाबं भारतया उत्तरांचलन राज्यया खस जाति हया: प्रशासन क्षेत्रय् उच्च पद बिया: नेवा:तय् शोषण याकेगु ज्या यात। शाह खलकया शक्तियात न माइनस याना: राणातय्सं शासन यात। व इलय् भन हे नेवा:तय् दमन शोषण चर्को याना वनाच्चन। अभ थुलि जक मखु, नेवा:तय्गु भूमि अधिकरण याय्गु ज्या याना: तत:धंगु महल निर्माण याना: राणातय्सं मस्ती यानाच्चन। राणा शासन पत जुइधुंका: हाकन शाह खलकया ल्हातय् शक्ति व:गु इलय् छुं भचा देय् विकासया लागिं ध्यान बीगु ज्या न या:गु ला ख:। तर हाकन शाह खलक तानाशाह जुयाच्चन धका: ०६२/०६३ सालया जन आन्दोलनपाखें जुजुया शक्तियात माइनस याय्त सफल जुल। हानं पार्टीया नामं लालची स्वार्थी

अल्पसंख्यक जातीं शासन यानाच्चंगु दु। दसुया लागिं भीगु देशय् न खस ब्रम्हूत ११ प्रतिशत जक दु। ११ प्रतिशत नेपा:या फुक्क जातियात शासन याना च्वनेफुगु कारण छू ला उँपिं फुक्क दुने दुने छप्पं जुयाच्चंगुलिं याना: ख:सा मेषु कारण बौद्धिक रुपं न मेगु जातीत स्वयां चतुर जुयाच्चंगु कारणं याना: ख:। भीसं न अनुभव यानाच्चनागु दु, पिने व:पिं खस ब्रम्हूतपाखें पीडित जुयाच्चनेत बाध्य जुयाच्चंगु कारणं न छवे भीपिं छप्पं जुइमफया: ख:सा मेगु कारण ब्रम्हूतय्गु षडयन्त्रयात असफल याय्गु बौद्धिक शक्ति कमजोर जुयाच्चंगु कारणं याना: नेवा:त सलंस: दँ न्ह्य:निसें पीडित जुयाच्चनेमा:गु ख:।

दार्जिलिङया घटनाक्रमयात उल्लेख याय्मा:गु आवश्यक खनाच्चना। दार्जिलिङय् न नेवा: मूलया जनसंख्या



राजनीतिक शास्त्रय् थथे न धयात:गु दु, यदि उत्पीडन व शोषणपाखें मुक्त जुइगु ख:सा निगू शक्तियात मजबुत याय्मा:, छगू बल शक्ति, मेगु बौद्धिक शक्ति। थ्व धापूया अर्थ ख:, बल शक्ति कमजोर जु धा:सा थ: प्रतिद्वन्द्वीया शक्तियात याउँक पराजित यानाबी।

जातिवादी साम्प्रदायिक खस ब्रम्हूतय्गु ल्हातय् सत्ता वल। खस ब्रम्हूतय्गु ज्या न भन खतरनाकथ जुजुं वल। अथे धयागु देय्था प्राकृतिक श्रोतया सम्पत्ति विदेशी शक्तितय् अधिकार बिया वनाच्चंगु जक मखु, देया भूमी तर्क न विदेशी शक्तितय् अधिकार बिया: विदेशी शक्तियात भक्ति क्यनेगु ज्या यानाच्चन। वास्तवय् भीसं थथे धयाच्चनेमा:गु आवश्यकता न मदु थें च्वं। ब्रम्हूतय्सं देय्थात कंगाल यात, गैर ब्रम्हूतय् पक्षपात याना वनाच्चन, स्वनिग:या आदिवासी जनतातय् न बर्बाद याना वनाच्चन धका: म्हुतुं धयाच्चनेगु आवश्यकता मदु थें च्वं। छाया:सा इमिगु नीति हे जातिवाद जुयाच्चंगुलिं याना: ब्रम्हूबाहेक मेमेगु जातीयात पक्षपात जक मखु, शोषण यानाच्चनेगु उमिगु धर्म जुयाच्चंगु दु।

राजनीतिक शास्त्रय् थथे न धयात:गु दु, यदि उत्पीडन व शोषणपाखें मुक्त जुइगु ख:सा निगू शक्तियात मजबुत याय्मा:, छगू बल शक्ति, मेगु बौद्धिक शक्ति। थ्व धापूया अर्थ ख:, बल शक्ति कमजोर जु धा:सा थ: प्रतिद्वन्द्वीया शक्तियात याउँक पराजित यानाबी। मेगु बौद्धिक शक्ति कमजोर जुल धा:सां न थ: प्रतिद्वन्द्वी शक्तियात याउँक पराजित यानाबी। विश्वया यक्व घटनाक्रम क्यनाच्चंगु दु, बहुसंख्यक जनतायात

९० प्रतिशत दुसां न अल्पसंख्यक भारतया जातीतय्सं शासन दमन यानाच्चंगु दु। थ्व हे कारणं याना: भारतया मेमेगु राज्य थें अधिकार काय्गु लागिं गोर्खाल्यान्ड मागया लागिं सन् १९८० पाखे सुभाष घिसिङया नेतृत्वय् ३ दँतक तच्च:गु संघर्ष यात, तर लिपा फासाफुस जुयावन। कारण, त्रिपक्षीय सम्झौता धका: भारत सरकार पश्चिमी बंगालया सरकार व घिसिङया पार्टी जि.एन.एल.एफ दुइ सम्झौता जुल। व सम्झौता दार्जिलिङ, गोर्खा पार्वतीय परिषदया नामं भच्चा बजेट बिया: प्रशासनिक अधिकार बीसातकि मख्ख जुया: मूलमाग छवे लात। लिपा हाकन सुभाष घिसिङ गद्दारी यात धका: बिलय गुरुङया नेतृत्वय् सन् २००७ साल पाखे चर्को गोर्खाल्यान्डया माग याना: संघर्ष यात। लिपा हाकन न्हापा थें त्रिपक्षीय सम्झौता याना: गोर्खाल्यान्ड टेरिटोरियल एडमिनिस्ट्रेसन धका: मच्चा बजेट भारत सरकार बीसातकि बिमलया पार्टी न गोर्खाल्यान्डया माग यात ध्याकुतय् तयाबिल। थुकिया अर्थ छु धा:सा भच्चा लोभया कारणं याना: नेतृत्व फेल जूगु ख:। नेतृत्व फेलया अर्थ न जनतयात धोका बीपिं नक्कली नेता धका: प्रष्ट जुल। शायद स्वनिग:बासीया सवालय् न अथे हे ला मखुला धका: जनतां शंका याय्गु शुरु यात।

“सः छगू फरक अभिव्यक्ति” खुक्वःगु फेसबुक संस्करण

प्रधानया बाखं कनेगु स्टाइल स्वयंबलय् नांजाःपिं आख्यानकारपिं मथुरा सायमि व शरद कसाःपिं नापं लनेबहःजू । बाखं ब्वं लहाः संकूगु व ख्वाःया स्म हीकेगु वय्कःया नं थःगु स्टाइल दुगु खना ।



नर सागर श्रेष्ठ

थुगुसीया संस्करण स्वता खं यानाः न्हापायागु संस्करण स्वयां पाःगु खनेदु । दक्खिसिबे न्हापां स्वम्ह बाखं च्वमित नेपाः देसं पिने च्वनाच्चापिं (निम्ह अमेरिका व छम्ह बेलायतय् च्वनाच्चापिं) नेवाःत खः । लैङ्गिक समावेशीकरणकथं थुगुसी दक्कले न्हापां निम्ह मिसा बाखं च्वमि व छम्ह मिजं बाखं च्वमिपिन्सं बाखं ब्वनेगु ज्या जुल । थुकिं यानाः बाखंया बिषयबस्तु न्हापायागु स्वयां पाःगु खनेदु । केशरमान ताम्रकार व रीतादेवी प्रधानं अमेरिकां बाखं ब्वनादिल सा ज्ञानीशोभा तुलाधरं बेलायतं ब्वनादिल । ताम्रकारया चिबाखं स्विनिगःया नेवाः परिवारया परिवेशय् चाःह्यगु खनेदुसा प्रधानया फुक्क धइथें बाखं नेपाः देय् त्वःताः अमेरिकाय् वनाः फ्याच्वंगु समस्या व नेपाःया समाजयात चित्रण जुयाच्चागु खनेदु । तुलाधरया बाखनय् नेवाः सामाजिक परिवेश व बिदेशया परिवेश नितान् ल्वाकज्याःगु खनेदु । कोरोनाया संक्रमणं हःगु ह्यूपाःयात निम्ह मिसा बाखं च्वमितय्सं उलेत स्वःगु खना । आःतक्क भिन्त्यापु बाखं ब्वनेगु याना वयाच्वंगु थ्व ज्याइवल्य थुगुसी भिन्त्यपु बाखं जक ब्वनेगु ज्या जुल । बाखं कनेगु प्रधानयागु थःगु हे स्टाइल दुसा ताम्रकार व तुलाधरया बाखं कनेगु स्टाइल सामान्य ताय्का । प्रधानं चुरोटयात कयाः व तुलाधरं सूर्यः व खुसियात कयाः प्रतीकात्मक बाखं ब्वनादीगु खःसा ताम्रकारया बाखनय् थजाःगु प्रतीकात्मकता खनेमदु ।

ताम्रकारया न्यापु बाखं न्यनेबलय् वय्कः छम्ह यथार्थवादी बाखं च्वमिकथं भीगु न्ह्यःने वःगु खनेदु । स्विनिगल्य च्वपिं निम्न मध्यमवर्गया नेवाःतय्गु जीवनी व इमिगु मानसिक द्वन्द्व ब्यथ वय्कः ताःलाःगु खनेदु । ‘निर्णय’ नांयागु बाखनय् बौ जक दुम्ह व आर्थिक अवस्था बांमलाःम्ह सबिनायागु विवशतायात कयनाः पासाया बौयात धयाःसां जागिर नयाः थःगु आर्थिक अवस्था बालांकेगु ला धकाः सबिनां बिचाः याःगु खनेदु । ‘ब्वनापौ’ नांयागु बाखनय् सुलाच्वंगु मतिना ब्यथातःगु थें ताय्का । थुकिया मू पात्र बैकुण्ठ



छखे चीमि जुगु व मेखे थम्ह हे मतिना यानाम्ह मिसाया इहिपाःया भव्य गथे वनेगु धइगु द्वन्द्व लाःगु खनेदु । ‘साहुजी’ नांयागु बाखनय् इहिपाः याइम्ह मिजंयाके नेल पालिस न्याः वंगु व उकिया मू व साहु नं धाय्मफूगु खँ छैय् वनाः किपाः स्वसेलिं स्वम्ह पात्र मध्ये मैयां थुइकूगु खँ कयनातःगु दु । नेल पालिस न्याःम्ह मैया छैय् वयाः किपाः स्वःबलय् सिल कि व वया न्ह्यः मस्यगु खँ कनाः बाखं च्वमि ब्वमितयत् इगेज याय्त ताःलाःगु धाय्माः । थनथाय् साहु नं नेल पालिसया मू मधाःगु व ल्वःमन धकाः बहाना याःगु कारण मैयां छैय् थ्यंका तिनि थुल । ‘जिमि काय् व छिमि काय्’ नांयागु बाखनय् निम्ह मापिनिगु खँल्हाबल्हा न्ह्यज्याःगु दु । थः काय् लिबाक्क छैय् दुहाँ मवइगु आखः ब्वनीम्ह धकाः गौरव यानाच्चांम्ह मांहेसिया न्ह्यःने अय्लाखं काय्काः काय् दुहाँ वइबलय् मेम्ह मांहेसिया न्ह्यःने छुं धाय्मफूगु यथार्थ थ्व बाखनय् खनेदु । दक्खिसिबे लिपांगु बाखनय् कःसी गोलभेडा पीगु कि चमेली स्वां पीगु धइगु बिबाद छगू नेवाः समाजय् अभ् ल्यं दनिगु संयुक्त परिवारया कचवं कयनातःगु खना ।

प्रधानया बाखं कनेगु स्टाइल स्वयंबलय् नांजाःपिं आख्यानकारपिं मथुरा सायमि व शरद कसाःपिं नापं लनेबहःजू । बाखं ब्वं लहाः संकूगु व ख्वाःया रुप हीकेगु वय्कःया नं थःगु स्टाइल दुगु खना । ‘जि यःम्ह कलाः’ नांयागु बाखनय् वय्कलं नेवाः समाजय् मिजं नं मिसा पीडित जक मखु कि मिसापाखें नं मिजं पीडित जुइयः धकाः छगू कथं न्हूगु बाखंया बिषयबस्तु न्ह्याकादीगु खना । थुकी आर्थिक स्तर मिले मजुइक जूगु इहिपाःया लिचवः उलादीगु खना । बाखं न्ह्यज्याःबलय्या अवस्था व बाखं

क्वचाय्कूगु अवस्थाय् न्याक्क हे विरोधाभास अवस्थासिर्जना जूगु धाय्माः । मेगु निपु बाखं नेपाः व अमेरिकाया साँस्कृतिक व भाय्का विविधतां यानाः बाखंया मूपात्रं अन गजाःगु समस्या फ्यमाल धकाः कयनादीगु खना । कयान आइ हेल्प यू धाय्माःथाय् आर यु वके धकाः लैय् दनाच्चांम्ह मनूयात धाःबलय् उकी बाखंया मूपात्रं फ्यमाःगु असमन्जस्यताया स्थिति व मिसातलिसे हग याय्माःगु हुनिं छम्ह पासाया गर्लफ्रेंडलिसे छगू साइड जक मतिना जूगु बाखं न्यनेबलय् डि एच लरेन्सया ‘कांम्ह मिज’ नांयागु बाखं लुमंसे वल । छगू ला कल्चर पाःगु खँ कयनादीगु दुसा मेखे मल्टिपल भिसाय् अमेरिका वयाः नं सुलाः सुलाः ज्या याना जुइपिं नेपाःमित जक मखु, मेमेगु देसं वःपिं मनूतय्गु ब्यथा नं वय्कलं ब्ययादीगु खना । ‘सुरु’ नांयागु बाखनय् चुरोटयात पात्र दय्काः सुं अमूक मतिनामिया मतिनाया बाखं न्यंकादीगु ताया । थ्व छगूकथं बालाःगु प्रतीकात्मक बाखंकाय् काय्माः । थ्वयात जिं मेक्सिकोयाम्ह नांजाःम्ह साहित्यकार ओक्टवियो पाजया बाख ‘माइ लाइफ वीथ वेभ’नापं लनेबहःजूगु ताय्का । ‘जि यःम्ह कलाः’ पूर्वक स्विनिगलय् मध्यम स्तरया नेवाः परिवारया अवस्थाया चित्रण खनेदुसा मेगु निपु बाखनय् भाय् व संस्कृति पाःगु हुनिं न्हापां अमेरिका वःपिनिगु ब्यथा खनेदु । काय् भौ व छयपिनिगु ब्यवहार खनाः वाक्कि वय्काच्चांम्ह छम्ह बुरायात कोरोनां यानाः पार्टी याय्मज्यूगु, लकडाउनं उखेथुखे जुइमज्यूगु व काय्, भौ व मस्तनापं च्वनेदुगु लसताया बाखं नं खनेदु ।

तुलाधरया प्यपु बाखं न्यनाबलय् नारी ब्यथाकथं भाःतं त्वःतूम्ह मिसा व भाःतं मतिना तापाका यंकूम्ह बिदेसय् च्वम्ह मिसा,

स्विनिगःया परिवेशय् कोरोनाया लकडाउनं हःगु अवस्था व छपु ‘सूर्यः व खुसि’या प्रतीकात्मक बाखं खनेदु । मेगु देसय् वंसां मांभाय् सःसा पिनेयागु भाय् सय्के थाकुमजू व मनूयाके इच्छाशक्ति दय्माल धइगु सन्देश नं वय्कःया बाखनं बीत स्वःगु खना । ‘बुलुया वंगु मतिना’ नांयागु बाखनय् कलाःभाःत निम्हं ज्याय् वनेमाःपिं व कलाःम्हेसियां भाःत तापाका यंकूगु बेदना कनातःगु दुसा ‘हिलावंगु लैपु’ नांयागु बाखनय् भाःतं त्वःतूम्ह छम्ह बिदेशय् च्वम्ह भाय् मसःम्ह मिसा पात्रया बेदना खनेदु । चाःह्य वनेत पासा माःगु व ई-सपिङ्ग याय्मफूगु बेदना कयनातःगु दु । बाखं च्वमि बिदेसया ब्यवस्थायात च्वछायाः मांभाय् सःपिन्त इच्छाशक्ति दुसा नेपालय् थें मखु, बिदेसय् भाय् सय्के यक्व अःपु धकाः भलसा बियाच्वंगु खना । ‘तापाःगु माया’ नांयागु बाखनय् कोभिड यानाः लकडाउन जूगु व ज्यासः नं बन्द जूगुलिं निम्ह पासापिं यक्व लिपा नापलाःगु खँ न्ह्यथनातःगु खना । ‘सूर्यः व खुसि’ नांयागु बाखनय् सूर्यः व खुसियात पात्र दय्काः छम्हेस्यां मेम्हेसित च्वछायाः बाखं न्ह्यज्यानाः सूर्यः नं छयंगु क्वय्कूगु बाखं, दक्खिसिबे लिपा गांगां चुइकूगु आदि डार्क साइड चित्रण जूगु खना । थ्वयात नं स्तरीय प्रतीकात्मक बाखंकाय् काय्माःगु ताया । हरेक बस्तुइ सकारात्मक पक्ष जक मखु, नकारात्मक पक्षत नं दइ धइगु सन्देश थ्व बाखनं ब्यगु खनेदु ।

स्वम्ह बाखं च्वमितय्गु बाखंया पात्र व बिषयबस्तुयात दुवाला स्वयंबलय् ताम्रकारया बाखंत नेवाः समाज दुने जक केन्द्रित जूगु खनेदुसा प्रधान व तुलाधरया बाखनय् नेवाः समाज व नेपाः देसं पिने वनाच्चापिं नेवाःतय्गु समाजया परिवेश

ब्यय्गु ज्या जूगु खनेदु । ताम्रकारं नं कोरोनायात कयाः बाखं च्वयादीगु खनेमदुसां मिसापिं निम्हेस्यां थीथीकथं कोरोनायात बाखंया बिषयबस्तु दय्कादीगु खना । पात्रत फुक्कं भीगु समाजय् खनापिं व ब्यवहार यानापिं हे खः । ताम्रकार व तुलाधरया बाखंया भाय् स्वःसा औपचारिक भाय्कथं बाखं न्ह्याःगु खना, तर प्रधानजुया भाषा शैली भतिचा पाःगु ताया । वय्कलं नेवाः भाय् व अंग्रेजी भाय्का खंवः (हाइ, हग, मे आइ हेल्प यु) नापंनापं छ्यलादीगु खनेदु । अन्जना ताम्रकारं नं थुगु शैलिं चिबाखं च्वयादीगु खना । ताम्रकार व तुलाधरया बाखं चिबाखंया सीमा दुने हे लाःगु खनेदुसा प्रधानया बाखनं भतिचा चिबाखंया लागा हाचांगाःगु थें ताया । दसुकथं छपु बाखनय् वय्कलं फ्रिज, फाय्न्, ओभन व दराजयागु आलांकारिक बर्णन बुखँया बिषयबस्तुनापं उलि स्वापू खनेमदु । मेगु छपु बाखनय् नं मनया खँ धकाः असफल इहिपाःया बाखनय् माःगु स्वयां अप्वः घटना दुथ्याःगु खनेदु । ताम्रकारया बाखं न्यनेधुंकाः (ब्वना-पौ) बैकुण्ठ व भव्य-पतिइ नां दुम्ह मिसा दथुइया मतिना न्यैमि हे थुइकेमाःथे च्वंसा साहुजी बाखनय् नं साहुं थः जुइम्ह कलातं पालिस न्या वःबलय् मू हे मस्यु धकाः न्यैमिपिन्त सस्पेन्डय् तयाः लिपा मैया छैय् वनाः किपाः स्वसेलिं पालिसया मू मधाःगु अर्थ न्यपिन्स हे थुइकेमाःगु । थ्व बाखं च्वमिया शिल्प च्वछाय्माः । थजाःगु हे अवस्था प्रधानया चुरोट व तुलाधरया सूर्यः व खुसिया खँल्हाबल्हाय् नं खनेदु ।

थुगुसिया इपिसोडं चिबाखंया लागा तब्याकेत जक मखु कि चिबाखनय् न्हून्हुगु बिषयबस्तु दुथ्याकेत ग्वाहालि याःगु खनेदु ।

कसैलाई बोक्सीको आरोप लगाउनु

निन्दनीय र दण्डनीय कार्य हो । यसर्थ

कसैलाई बोक्सीको आरोप नलगाऔं ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग





कलाकारतय इहिपाया चर्चा



बिजयरत्न असंबरे

श्रीकृष्ण श्रेष्ठया जहान श्वेता खड्काया इहिपा मंसीर महिना न्ह्यानाच्चंगु दु। थ्व इहिपाया सिजन खः। म्ये छपु नं दु, 'कान्है मैचा मंसीर महिनास चुरा व सचिका ज्वना: का: वय्त्यल न्ह'। स्व:स्व:थाय् इहिपा जुयाच्चंगु खनेदु। गुलिखे कलाकार, गुलिखे फिल्मक:मिपिनि नं आ: इहिपा जुयाच्चंगु दु।

आपा:सिया इहिपा जुयाच्चंगु थ्व इलय् छगू सरप्राइज इहिपाया रुपय् श्वेता खड्काया नं इहिपा जुल। श्वेताया इहिपा म्हाग: मंसीर २२ गते तिनि हे जूगु खः। वयागु इहिपा धनगढीया बिजेन्द्र सिंह रावत नांयाम्ह छम्ह मिजलिसे इहिपा जूगु खः।

श्वेताया थ्व सिबे न्हापा अभिनेता श्रीकृष्ण श्रेष्ठालिसे इहिपा जूगु खः। य:त्य: जुया इहिपा या:पिं श्वेता- श्रीकृष्ण त्यपुयात आपासिनं तसकं ल्व: धका तारीफ हे या:गु खः, तर दैवया लीला धाय्माली इमि दथुइ इहिपा जूगु गुलिचां मदुनिबले श्रीकृष्ण श्रेष्ठ थ्व संसार त्व:तावन। श्वेताया जीवनय् थ्व थें त:धंगु दु:ख वसिबे न्हापा गुबले व:गु मदु जुइ। दु:खय् दुबिनाच्चम्ह श्वेतायात गुलिसिनं सम्भेबुभे याय्गु कुत: यात। तर वयागु नुगलं श्रीकृष्णया किपा हुइमफु। तर धाइगु नं दु, ई हे त:धंगु वास: खः। इलं न्ह्यागुं घा: नं लंकाबी। श्वेताया खैय् नं अथे हे जुल।

निम्हलिसे इहिपा याय्त्यम्ह सुरज व्यञ्जनकार छाय् जिल्ल ?

नेवा: सुपरस्टारया दावेदार धका बय्बयु जूम्ह व लोकह्वाम्ह कलाकार सुरज व्यञ्जनकार छम्ह विवाहित कलाकार खः। हाकनं आ: थ्व इलय् वया: सुरजया इहिपाया खँ व:बले अजु नं चाल जुइ। व नं छम्हलिसेला निम्ह निम्हलिसे। विवाहित कलाकार सुरजया निम्ह निम्हलिसे इहिपा धाय्खतं निदुगं हे अजुचाल जुइफु। तर थ्व इहिपा वयागु रियल इहिपा मखसे रिल इहिपा जक खः।

छुं ई न्ह्य:या खँ खः “आसकुति” नांयागु छगू नेवा: फिल्मय् सुरज व्यञ्जनकारयात मेन लिड रोल म्हितेगु ह्व:ता? चूलात। ता: ई न्ह्य:निसें सुलं च्वनाच्चम्ह नेवा: फिल्म ख्य:या नांजा:म्ह निर्देशक सुरेन्द्र तुलाधरया निर्देशनय् न्ह्या:गु थ्व फिल्मय् सुरज व्यञ्जनकार परिबन्दय् लाना: निम्ह निम्हलिसे इहिपा याय्माली। आ: व गज्या:गु परिबन्द धका: स्वयत्त “आसकुति” हे स्वय्माली।

थ्व फिल्मय् सुरज व्यञ्जकारया नापनाप निम्ह हिरोइनपिं रोजिना सुवाल व कृष्णा श्रेष्ठ अले मेम्ह छम्ह हिरो सुरज नापितया नं मेन रोल दु।

थ्व हे फिल्मया शुटिंगया इवलय् कलाकार सुरज व्यञ्जकारया छम्ह हिरोइन रोजिना सुवाललिसे यलया शैथु गणेद्य:याथाय् इहिपाया शुटिंग जूगु खःसा मेम्ह हिरोइन कृष्णा श्रेष्ठलिसे शिखबही नाप च्वंगु चामुण्डाया देग: परिसरय् सुटिङ्ग जूगु खः। वहे इहिपाया शुटिंग जुयाच्चंगु इलय् भमचा जुयाच्चम्ह कलाकार कृष्णायात स्वांमा क्वखाय्केत्यबले लाक्क सुरज व्यञ्जकारया रियल तिरिमय्जुया दाजु अर्थात सुरजया सस:दाजु वहे लैपु व:गु खना: एकाछिनला सुरज वाल्ल जुल हं! वया रियल सस: दाजु नं वाल्ल

हे जुल तर लिपा शुटिंगया खँ स्यूबले तिनि इपिं निम्ह सहज जुइफत खनी !

रणवीर कपुर व आलिया भट्टया इहिपा इहिपाया चर्चा जुयाच्चंबले बलिउडपाखे नं छक्क: मिखा ब्वय्। बलिउडया लभर ब्वाइया रुपय् बय्बयु जूम्ह स्टार रणवीर कपुरया मतनाया चर्चा ता: ई निसें त:म्हलिसे जुया वयाच्चन। गबले वयागु नां क्याट्रिना कैफलिसे सा गबले दिपिका पादुकोनलिसे स्वानावल। दिपिका लिपा वना: मेम्ह हे रणवीरलिसे इहिपा यात अर्थात रणवीर सिंहलिसे इहिपा याना: त्यपु जीवन न्ह्याकल।


आ: वया रणवीर कपुरया नं इहिपाया चर्चा जुयाव:गु दु। वयागु इहिपा बलिउडया नांजाम्ह निर्देशक महेश भट्टया म्हाय् आलिया भट्टलिसे जुइगु हुइनाभुइना दु। इपिं निम्ह दथुइ य:त्य:या चर्चा जुया च्वंगु ता: दत। इमि दथुइ इहिपाया खँ क्वछीगु खँ जक व:बलय् हे कोरोनाया कारणं भारतय् लकडाउन जुल। थ्व हे लकडाउनया इलय् रणवीर कपुरया अबु ऋषि कपुरया देहावसान नं जुल। अथे जुया: छुं ई इमिगु इहिपाया खं नं दिपा काल।

आ: वया हाकनं इमिगु इहिपाया चर्चा अप्वयाव:गु

दु। इमि पारिवारीक सुत्र इमि दथुइ थ्वहे २०२० या डिसेम्बरय् इहिपा जुइगु धयाह:गु दुसा: छथ्व:सिनं धा:सा वंगु अप्रिलया ३० तारीखय् मदुम्ह ऋषि कपुर मदुगु दीच्छ लिपा जक इमि इहिपा जुइगु धा:पिं नं दु। तर थ्व नितौं खँया औपचारिक पुष्टि धा:सा मजुनि।

आदित्य व श्वेता नं इहिपा यात नेपा:या श्वेताया इहिपा जूगु इलय् बलिउडया हिरोइन श्वेताया नं इहिपा जूगु दु। खँ खः, शापित सकिपाया हिरोइन श्वेता अग्रवालया। श्वेताया इहिपा मेम्ह सुलिसे मखसें शापितया हे हिरो लिसें गायक आदित्य नारायण भालिसे जूगु खः। बलिउडया नांजा:म्ह नेपाली गायक उदित नारायणया काय् आदित्य व श्वेता दथुइ वंगु डिसेम्बर १ कुन्हु इहिपा जूगु खः।

खतुं थ्वयां न्ह्य: आदित्यया इहिपा गायिका नेहा कक्कडलिसे जुइगु धका: बय्बयु जुयाच्चंगु खः। तर थ्व खँ मात्र गसिप खनी धका: नेहाया इहिपा धुंका: सीदत। वंगु २४ अक्टोबरय् नेहाया इहिपा रोहनप्रीत सिंहलिसे इहिपा याय्धुंका: नं आदित्यया ट्यूजिडिङ्ग धका: चर्चा जूगु खः। तर लिपा वया: सीदत कि श्वेता व आदित्यया लभ स्टोरी ला यक्व न्ह्य:निसें न्ह्यानाव:गु जुयाच्चन।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटारिङ पनि गरिन्छ।

आयो नून खाउँ स्वस्थ रहौं

गाउँसम्म आयो, 'आयो नून' यसले लगाव्यो घरे नून

आयोडिनको कमीबाट हुने विकृतिहरू:

१. गर्भ तुल्य, मृत विसृष्टि जन्मने, अन्न भन्न भएको विसृष्टि जन्मने, जन्मेको विसृष्टि बाँचे गर्न सके।
२. बच्चाहरू बलिया, लोटा, लडेउटा, बासुदक, डेढो आदि हुन सके।
३. पालामा बच्चोको बढी चरक-पलक फैल हुनुको साथै खेलकुदमा समेत पछाडि पर्न सके।
४. मस्तीबाट आउने, सुनयनविधिन हुने।
५. आयोडिनको कमीले I, Q Level कम हुने।
६. आयोडिनको कमी भएमा मानिसहरूमा आलस्यता आउने, काम गर्ने क्षमतामा कमी आउने।
७. आयोडिनको कमीबाट गर्भबाट गर्भसुते हुन कम हुने।

आयोडिनको कमीबाट हुने विकृतिहरू उपचार गरेर हटाउन सकिने। त्यस्ता विकृति आउन नदिन एकमात्र उपाय आइने देखि आयोडिनयुक्त बालबालिकाको चिन्ह अंकित पाकेटको नून मात्र प्रयोग गर्नु।

साल्ट ट्रेडिङ कर्पोरेशन लिमिटेड

केन्द्रीय कार्यालय: पो.व.नं.: ४८३, कालिमाटी, काठमाडौं, नेपाल, फोन नं. ४२७०३१५
४२७०१४, ४२७०२०८, फ्याक्स नं.: ९७७-१-४२७०३०४, ४२७०३९५

किपूया मेयरपाखें इछें त्वाःया फल्चा उलेज्या



किपू नगरपालिका १० वडाया इछें त्वाःया फल्चा उलेज्या जूगु दु। छापू ज्याइवःया दुइ किपू नगरपालिकाया मेयर रमेश महर्जन फल्चाया उलेज्या यानादीगु खः।


मुगः खँ तयगु इवलय् मेयर महर्जन फल्चा नेवाःतयगु सामाजिक सम्पदा व म्हसीका जगुलिं थुनिया संरक्षण याय्माःगु बिचाः तयादिल। 'फल्चाय् च्वनाः भी मां बज्युपिन्सं इताः कायगु जक ज्या याःसां नं पर्यटकपिनिगु नितिं नेवाः बस्ती दुने दुहाँ वयागु अनुभव जुइ', मेयर महर्जन धयादिल।

उपमेयर सरस्वती खड्का रिजाल सम्पदा ख्यलय् किपू नगरपालिकाया मू आज्जु धइगु ऐतिहासिक नाप पुरातात्विक सम्पदा

फल्चाया पुनर्निर्माण खःगु धासें किपूया म्हसीका कुबियाच्वंगु भाषा, कला, संस्कृति, सम्पदाया संरक्षण व सम्बर्द्धन याय्माःगु खँय वः बियादिगु खः।

ज्याभूवलय् किपू नगरपालिका १० या वडाध्यक्ष अमन महर्जन, वडा १ या वडाध्यक्ष हर्ष महर्जन, २ या वडाध्यक्ष रमेशमान डंगोल व वडा सदस्यपिं चिनीकाजी श्रेष्ठ, हरिशरण महर्जन, संगीता उप्रेती श्रेष्ठ, धनबहादुर महर्जन, त्रिलाल नाप कीर्ति विहारया अध्यक्ष जुलुम शाक्यलसेंया उपस्थिति दुगु खः। इछें त्वाःया थकालि बढीलाल तण्डुकारया सभाध्यक्षताय् जूगु ज्याभूवलय् फल्चा निर्माणया कजि रत्नकुमार महर्जन लसकुस यानादीगु खः।

नेपाः पार्टीपाखें ख्वना व बालाजु सतक बिस्तार विरुद्ध आन्दोलनया समर्थन



नेपाः राष्ट्रिय पार्टी ख्वनाया फास्ट ट्याक व बालाजुया सडक विस्तार विरुद्ध जुयाच्वंगु आन्दोलनयात समर्थन क्यंगु दु। पार्टीया नायः डा. बिजय सैजुं छापू प्रेस बक्तव्य पितव्युसं गैर न्यायीक कथं ख्वनाय् फास्ट ट्याक व बालाजु सडक विस्तारया योजना हयाः स्थानीय नेवाःतय् विस्थापित याय्त स्वःगु धयादिल। ख्वनामिया फास्ट ट्याकविरुद्धया आन्दोलन व बालाजुया सडक विस्तार विरुद्धया संघर्षय् समर्थन प्वकुसें नेपाः पार्टी राज्यया शुक्रथंया गैरन्यायिक पलाःया विरोध याःगु दु। नेपाः पार्टी विज्ञप्तीमार्फत थज्याःगु ज्याखँ तत्काल दिकेत माग यासें मखुसा थुनिया लिच्वःया जिम्मेदार राज्य थः हे जुइगु तक धाःगु दु।



सम्पदायात प्राथमिकता बियागु मेयर शाक्यया धापू

यँ महानगरपालिकाया मेयर विद्या सुन्दर शाक्य संस्कृति व परम्पराया संरक्षणय् यँ महानगरपालिका दत्तचित्त जुयाः जानाच्वनागु धयादीगु दु।

यँ महानगरपालिका वडा २५ श्रीघल्य् धर्मकीर्ति विहारया विस्तारित भवनया शिलान्यास यासें मेयर शाक्य थनया स्थानीय सम्पदा निर्माण पुनर्निर्माणय् गबले नं बजेतया अभाव जुइकेमबीगु धयादिल। 'क्वाःपाः, घःछें, बहाः, बही, सतः थे जाःगु सांस्कृतिक सम्पदाया निर्माण-पुनर्निर्माणया अभियानयात महानगरपालिका प्राथमिकताय् तयाः न्ह्यने वनाच्वनागु दु', मेयर शाक्यया धापू खः। उगु इलय् शाक्य सम्पदा निर्माण वा

पुनर्निर्माण छम्हेसिगु जक कुतल सम्भव मजुइगु धासें सकसिनं ल्हाः माः हनाः न्ह्याःवनेत इनाप यानादिल।

विहारया विस्तारित भवनया निर्माण लागत ४ करोड २८ लाख तका खः। वमध्य न्हापांगु चरणय् करीब १ करोड लागतया ज्या जुइ।

विस्तारित भवन निर्माण उपभोक्ता समितिया कजि अभयरत्न कंसाकार न्हापांगु चरणय् कुल ९९ लाख ९९ हजार १६५ तकाया १५ प्रतिशत अर्थात् १४ लाख ९९ हजार ८७४ तका उपभोक्ता समिति तइगु व ल्यं दुगु ८५ प्रतिशत अर्थात् ८४ लाख ९९ हजार २९० तका महानगर ग्वाहालि याइगु जानकारी बियादिल।

नेवाः जातीय महासंघ नीस्वनीगु

नेवाः समाज दुनेया थीथी जातीय संगठनयागु मंकाः संगठनया रुप नेवाः जातीय महासंघ गठन जुइगु जूगु दु। थौं यँय् क्वचाःगु थीथी नेवाः जातीय संगठनतय् मुनां नेवाः जातीय महासंघ गठन याय्गु निर्णय याःगु खः।

मुनां जातीय संगठनतय्सं ताः इलनिसें थीथी समस्या फयावःगु व अज्याःगु समस्या ज्यकेत दक्व छधी जुयाः न्ह्याःवनेमाःगु लिच्वः पिकासें महासंघ गठन याय्गु निर्णय याःगु खः। ज्याइवल्य गोष्ठी कजि लिसें नेपाल खड्गी सेवा समितिया संरक्षक मनोज नेवाः खड्गी नेवाः जातीय संगठनया एकता व सहकार्यया विषयस अवधारणा पौ न्ह्यब्वयादिल।

व इवल्य कजि खड्गी न्हूदँया न्याली, नेवाः एकता दिवस, गुथि विधेयकया आन्दोलन लिसें थीथी अभियानय् जातीय संगठनया महत्वपूर्ण भूमिका दइगु तर उगु भूमिकाया मूल्याङ्कन धाःसा पाय्छि कथं गबले हे मज्गु धयादिल।

ओली...

थ्व खँया सम्बन्धय् राज्यमन्त्री मानन्धर सडक अतिक्रमण यानाः दय्कातःगु संरचना जक थुनागु व उगु भुमि थःगु खः धइगु प्रमाण ज्वनावःसा क्षतिपुर्ति कथं थःगु हे जग्गा बीमाःसा बी तर्क धयाच्वंगु दुसा स्थानीय वासिन्दा वर्तमान राज्यमन्त्री रामवीर मानन्धर वडाध्यक्ष जूगु इलय् वय्कः थम्हं हे स्ववासीया भ्वं दय्काब्यूगु दुगु खँ धयाच्वंगु दु। स्ववासीया भ्वंया खँय धाःसा राज्यमन्त्रीपाखें हुं हे खँ पिहांवःगु मदुनि।

ख्वनाया फास्ट ट्याकया खँ नं न्हूगु मखु। तःदँ हे दय्धुंक्ल, ख्वनाया फास्ट ट्याकया सम्बन्धय् ख्वनामि आन्दोलित जूगु। ख्वनाया फास्ट ट्याकया खँय आपालं खँत दु। दक्कले न्हापांगु खँ ला ख्वनामितय्गु उलिमछिबुं फास्ट ट्याकय् लाय्धुंकाः उमि बुँद वा पी मखनीगु, उमिगु लजगाः हे मदइगु खँ ला द हे दु। उकिया नाप सेना थम्हं अस्वीकार याःगु भारतीय कम्पनी दय्काब्यूगु डिपिआरया लिधंसाय् ज्या न्ह्याकेत स्वयाच्वंगु धासें ख्वनामि विरोध यानाच्वंगु दु। मेगु महत्वपूर्ण खँ धइगु थुगु फास्ट ट्याकय् ख्वनाया ऐतिहासिक, सांस्कृतिक सम्पदा नं लानाच्वंगु दु धइगु खँ खः।

ख्वनाय् दय्कूगु फास्ट ट्याकया पःखाः वंगु बुधबाः स्थानीय वासिन्दा थुनाबिल।

उकिया इवल्य् प्रहरी व स्थानीय बासी दथुइ छ्भाः भडप तर्क जुल। मंगलबाः पःखाः दय्कूबल्य् स्थानीय वासिन्दा विरोध यात नं जवर्जस्ती पःखाः दय्काब्यूगु खःसा बुधबाः ख्वनामिलिसें स्वनिगःया थीथी थासं तःधंगु ल्याख्य नेवाःत मुं बल्य् प्रहरी पनेमफुत व पःखाः थुनाबिल। उगु पःखालं बुंगद्यःया जात्रा तर्क प्रभावित जुइफुगु ख्वनामिपिन्सं धाःगु दु। पःखाः दय्कूगु बुं पाखें जात्राया आयस्ता वयाच्वंगु व अन सडक दय्कल धाःसा उगु आयस्ता मवइगु धाःगु दु।

न्हापा दय्कूगु डिपिआरय् ला सिकाली घःया देगः तर्क लाःगु खः। बुंगद्यःया जात्रालिसें स्वानाच्वंगु चखुतीर्थ नं व हे फास्ट ट्याकय् लानाच्वंगु खँ नं वयाच्वंगु दु। आः वयाः बुंगद्यःया जात्रायात आयस्ता वइगु बुं नं लानाच्वंगु नं सीदत। थज्याःगु हुं दुसुयात स्वय् बल्य् सरकार हुं नं अध्ययन हे मयाःसे थः यत्थे सडक दय्केत स्वयाच्वंगु खनेदयावःगु दु।

कृष्णगोपाल मन्त्री जुयावः न्ह्यः हे शहरी विकास राज्यमन्त्री मानन्धर ख्वनाया सम्पदा मस्यनीगु कथं फास्ट ट्याकया ज्या न्ह्यःने यकेगु धयादीगु खः। कृष्णगोपाल मन्त्री जुइधुंकाः ख्वनाया समस्या ज्यकेगु धाःगु खः। थुकिं ख्वनामितय् दथुइ आशाया जः लुयावःगु खः। भन हुंदि न्ह्यः मन्त्री श्रेष्ठ व प्रधानमन्त्री

केपी शर्मा ओलीया जहान राधिका शाक्य ख्वनाय् हे वनाः फास्ट ट्याकया विषयस खँ ल्हाःवंबल्य् उगु जःयात भन थीकाब्यूगु खः। तर व खँल्हाबल्हाया हुंदि लिपा ख्वनाय् गगु घटना जुल, व जःयात आक्रोशया मि दय् काब्यूगु दुसा प्रधानमन्त्री ओली हे ख्वनामिया सःयात साम्प्रदायिक धइगु अभिव्यक्ति बियाः छ् वः मिइ घ्यः लुइगु ज्या याय् थें जूगु दु। सरकार जनताया नितिं जुइमाः, नकि जनताया शोषण याय्त। स्थानीय जनताया सःयात बेवास्ता यानाः याइगु ज्या गबले विकास जुइ फइमखु।

यँ...

पाठ्यसफू व पाठ्यक्रम च्वय्गु ज्या न्ह्यासानिसें हे थुकी ज्या यानाच्वनादीम्ह वरिष्ठ संस्कृतिविद् डा. चुन्दा वज्राचार्य पाठ्यसफुतिइ यँ महानगर दुने दुगु थीथी जात्रा, नखःचखः, त्वहँहिंति, फल्चा, सतः, व्यक्तित्व आदि सम्बन्धी पाठत दुथ्यानाच्वंगु जानकारी बियादिल। 'पाठ्य सफुतिइ यँया प्रमुख जाति नेवाःतय् जनजीवन, कला, नसावँसा, जात्रापूर्व, भाषा, लिपि, परम्परागत कासा थुज्वःगु विषय दुथ्यानाच्वंगु दु, मस्तयत परम्परागत ज्ञानसीपबारे जानकारी बीगु कथं पाठ्यक्रम विकास जूगु दु', संस्कृतिविद् वज्राचार्य धयादिल।

थुगु सफू भाय् स्यनेगु मखसें न्ह्यागु नं भाषाभाषिपिन्सं ब्वने फइकथं तयार जूगु बज्राचार्यया धापू खः। कक्षा ४ व ५ य् ७५ अभ्यासगत व २५ सैद्धान्तिक, कक्षा ६, ७ व ८ य् धाःसा ५० अभ्यासगत अले ५० सैद्धान्तिक ब्वकेज्या जुइगु व्यवस्था जूगु डा. बज्राचार्य धयादिल।

यँ महानगरपालिका आः कक्षा १ या लागि पाठ्यसफू तयार याय्धुंक्क दुसा कक्षा २ निसें कक्षा ८ तक्कया पाठ्यसफू डिजाइनय् वनेधुंक्क दु। नेपालया संविधानया भाग ३ मौलिक हक अन्तर्गत धारा ३२ या उपधारा (२) व (३) य् देय्था हरेक स्थानीय सरकार थः मातहत दुगु सामुदायिक व संस्थागत ब्वनेकुथिइ स्थानीय पाठ्यक्रमया रूप थम्हं हे छापू विषय अध्ययन अध्यापन याकेफइगु व्यवस्था याःगु दु। यँ महानगरपालिका व हे व्यवस्था अन्तर्गत थुगु पाठ्यसफू तयार याःगु खः। स्थानीय नेपालभाषा माध्यम स्थानीय पाठ्यक्रम तयार जूगु व ब्वकेज्या नं न्ह्यानावंगुलिसें नेपालभाषा माध्यम ब्वनावःपिनिगु निति न्हःताः वःगु दु। यँ महानगर दुनेया सलंसः ब्वनेकुथिइ नेपालभाषा माध्यमया स्थानीय पाठ्यक्रमया ब्वकेज्या जुइबलय् नेपालभाषा माध्यम स्नातक व स्नातकोत्तर याय्धुंक्कपिनिगु सलंसःयात लजगाः दइगु नं निश्चित जूगु दु।

(क) व्यापारी त्यासा
(ख) हायरपचेंज त्यासा
(ग) आवासीय त्यासा



(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछें, पाको, न्हूसतक, यँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

सकसियां भिं जुइमाः, सकसियां जय जुइमा
सकसियां भिंउसाँय, ताःआयु व सुख शान्तिया कामना
नेपाल संवत् १९४९ या लसताय्

नूदँया सिं वना



महालक्ष्मी वशमा पसल

साभ्ना शपिङ्ग सेन्टर

(मानसिक अस्पताल न्ह्यःने) लगंछ्यः, यल।

मोबाइल : ९८५१०-४६५२९, फोन : ५५३६२९८



संघीयता बल्लाकेत नगरतय भगिनी सम्बन्ध



जुम्लाया चन्दननाथ नगरपालिकाले भगिनी स्वापू स्थापना याय्गु निर्णय याःगु यँ महानगरपालिका अनया नगर प्रमुख क्रान्तिका सेजुवाललिसेया जनप्रतिनिधिले सहलह याःगु दु। सहलहया इवल्य यँ महानगरपालिकाया प्रमुख विद्या सुन्दर शाक्य जुम्लाया उत्पादन बहुमुल्य जडिबुटी, स्याउ, सिमि, ख्वःसिं लिसेया प्राञ्जरीकृषि उत्पादनया बजारीकरण, व्यवस्थापन लिसेया विषयस नं सहकार्य याय्फइगु शाक्य धयादिल। रारा, सेफोक्सुण्डो थुज्वःगु थासय् वनेगु लँय हे लाःगु चन्दननाथलिसे धार्मिक पर्यटनयात तर्क स्वानाः देय्या अर्थतन्त्रयात समृद्ध दय्के फइगु बिचाः शाक्य तयादिल।

संघीयतायात सार्थक व अभ्र बल्लाकेत लिपागु इलय् स्वदेशया हे

नगरलिसे भगिनी स्वापू स्थापना याय्गु कुतः न्हयःने यंकागु शाक्य धयादिल। चन्दननाथ नगरपालिकाया प्रमुख सेजुवाल स्रोत-साधन जाःगु यँ महानगरपालिकाले भगिनी स्वापू स्थापना याय् दुगुलिइ लसता प्वकादिल। निगू नगरत धार्मिक पर्यटनलिसे नं स्वानाः न्ह्याःवनेफइगु बिचाः सेजुवाल तयादिल। यँ महानगरपालिकाया उप-प्रमुख हरिप्रभा खड्गी श्रेष्ठ नं भगिनी स्वापू स्थापना धुंकाः निगू नगर सहकार्य याय्फइगु धयादिल।

उकिया लिसे धनकुटाया पाखिवास नगरपालिकाया प्रमुख वृषबहादुर राई व जनप्रतिनिधिले नं सहलह जुगु दु। सहलहस प्रमुख राई नं वइगु दिनय् सहकार्य यानाः न्ह्याःवनेत भगिनी स्वापू स्थापनाया लागि प्रस्ताव तयादिल।

यँ महानगरया मेयर शाक्य ह्याउँम्ह किसिया देगःया उलेज्या



किपा : नातिकाजी महर्जन

यँ महानगरपालिका १८ वडा किलागःस्थित ह्याउँम्ह किसिया नितजाःया देगः पुनर्निर्माण क्वचाःगु दु। किलागल्य जुगु ज्याभ्रवल्य यँ महानगरपालिकाया मेयर विद्या सुन्दर शाक्य पुनर्निर्माण क्वचाःगु ह्याउँम्ह किसिया देगःया उलेज्या यानादिल। देगः उलेज्याया इवल्य मेयश शाक्य ह्याउँम्ह किसियात लं नं छानादीगु खः।

नुगः खँ तय्गु इवल्य मेयर शाक्य यँ महानगरय् दुने दुगु मूर्त व अमूर्त सम्पदायात

पुनर्निर्माण याय्गु ज्या तच्चःगु गतिइ जुयाच्चंगु धासे पुनर्निर्माण याय् ल्यं दनिगु देगः, फल्चा, द्यःछें, सतः दय्केत नं यँ महानगर तयार दुगु धयादिल।

ज्याइवल्य देगः जिर्णोद्धारय् विशेष योगदान बियादीपि नाति महर्जन व सुनेन्द्रमान श्रेष्ठयात सम्मान नं याःगु खः। वय्कःपिन्त मेयर शाक्य दोसल्ला न्यय्काः हनापौलिसे सम्मान यानादीगु खः।

ह्याउँम्ह किसि संरक्षण खलःया नायः

गोपालकृष्ण महर्जनया सभाध्यक्षताय् जुगु ज्याभ्रवल्य १८ वडाया वडाध्यक्ष लिसे यँ महानगरपालिका सम्पदा व पर्यटन समितिया काजि न्हूछेकाजी महर्जन सम्पदा संरक्षणया सवाल्य थःपिं गबले नं लिचिलेमखूगु प्रतिवद्धता प्वकादिल। उगु इलय् वय्कल देगः दय्केत लागि १३ लाख ५० हजार तका खर्च जुगु जानकारी बियादिल। महर्जन फुक्क खर्च वडाया कोषपाखे यानागु नं कनादिल।

सेमिनार वा कार्यक्रमया निति लञ्च बक्सया डोर टु डोर सर्भिस याय्गु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।

Delicious Sweets

विगवम BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01-4247075, 01-4244323

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

दीन, दुखी व असहायपिन्त निःशुल्क स्वास्थ्य सेवा प्रदान।
दानी, सुखी व सम्पन्नयात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

शल्यक्रिया - मोतिबिन्दु - जनरल सर्जरी - नहाय्पं, नहाय्, जापः - हाड जोर्नी नशा - पिसाव नलीया पत्थर बिना चिरफार	बहिरङ्ग सेवा - मुटु ल्वय् - प्वाःया ल्वय् - युरोलोजी - मिसा ल्वय् - मचा ल्वय् - वाया ल्वय् - मिसा ल्वय्	अन्य सेवा - इन्सिङ्ग - ईण्डोस्कोपी - कोलोनोस्कोपी - फिजियोथेरापी - अल्ट्रासाउण्ड, कलर डप्लर व इको - युरोपेली स्तरया दन्त प्रयोगशाला
---	---	--

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np